

Aen siujyoz hagdangz Mbanj-gengroed hwnj youq gyang doengh, hagdangz seiqhenz cungj dwg naz.

Ga roen ndeu vang gvaq doiqnaj hagdangz, gyaеuj he bae baihrog, gyaеuj he bae ndaw bya.

Ngoenz ndeu haetromh, gyoengq hagseng haeuj hagdangz bae doegsaw le, Vangz lauxsae boux dog youq gwnz cauhcangz byaij bae byaij dauq naemj saehcingz, bouxsai 40 bi baedauq ndeu daj diuz roen bae baihrog byaij daeuj.

Gyang hwet bouxsai raek miz fag cax ndeu, de daeuj daengz gyawj le, riunyumnyum doiq Vangz lauxsae naeuz: “Lauxsae, yaek hwnj-dangz luba!”

Vangz lauxsae naeuz: “Yaek hwnj lubw, mwngz haeuj bya bae ha?”

Bouxsai dap: “Dwg ha, haeuj bya bae aеu gogoen.”

Bouxsai doq gangj vah doq coh ndaw bya byaij bae, mbouj geij nanz ndaw mokhaet couh yawj mbouj raen gij ngaеuz de lo.

Ndaw bya maj miz gogoen, gij gogoen neix maj youq gyang bya caeuq gwnz dingj bya, gij mbaw gogoen ndaej aеu daeuj suek faengx, gij gogoen lieb baez duk le, ndaej aеu daeuj san raep gyaeng gaeq, san loz cang haeux, san swx langh byaek. Boux canghsan san ndaej le, swheij gag yungh, hix dawz di bae gwnz haw gai aеu ngaenz.

Banhaemh, hagseng cungj dauq-bae lo, Vangz lauxsae byaij haeuj



ranzdajcawj bae, dajsuenq coemh feiz cawj caeuz seiz, mehmbwk 30 lai bi he daj diuz roen bae baihrog byaij daeuj.

Mehmbwk gwnz fwngz riu j bingz souh haeuxyangz ndeu, de daeuj daengz gyawj le, riunyumnyum doiq Vangz lauxsae naeuz: “Lauxsae, yaek cawj caeuz luba.”

Vangz lauxsae naeuz: “Yaek cawj lubw, mwngz yaek bae gizlawz?”

Mehmbwk naeuz: “Gou daeuj cieп gvan gou, haet neix mwngz raen gvan gou gvaq gizneix lwi?”

Vangz lauxsae naeuz: “Haet neix miz bouxsai ndeu gvaq neix haeuj bya bae aеu gogoen, dwg mbouj dwg gvan mwngz?”

Mehmbwk naeuz: “Yienghneix couh deng lo, haet neix de dawz fagcax naeuz yaek bae ndaw bya aеu gogoen, gou couh youq neix caj de lo.”

Aen cauhcangz hagdangz miz aen daizgiuz ndeu, mehmbwk dawz bingz souh haeuxyangz cuengq daengz gwnz daiz bae, vunz hix naengh youq gyaеuj daiz caj gvan de. Vangz lauxsae raen lo, couh haeuj ranzdajcawj bae coemh feiz cawj haeuxcaeuz lo.

Mbwn ciemhciemh amq roengz-daeuj lo, Vangz lauxsae yawjyawj mehmbwk haenx, seizneix de cingq iet hoz coh ndaw bya yawj bae.

Gvaq yaep ndeu, mehmbwk naengh mbouj onj lo, de youq gwnz cauhcangz byaij bae byaij dauq, lwgda cungj nanz mbouj nanz couh coh ndaw bya yawj bae.

Vangz lauxsae cawj ndei haeux-caeuz, yaek bae heuh mehmbwk, mehmbwk hix cingq coh de byaij daeuj, cam: “Lauxsae, haet neix mwngz caen raen miz vunz haeuj bya bae

dahraix ha?”

Vangz lauxsae naeuz: “Caen dahraix, gou lij ndaej caeuq de doxdongx dem, mbouj yaeuh mwngz.”

“Baenzlawz seizneix lij mbouj dauq ha, baenzlawz seizneix lij mbouj dauq ha.” Mehmbwk mbouj dingz dwk damz naeuz.

Mbwn yaek laep lo, bouxsai cij rap rap gogoen ndeu dauq daengz hagdangz gizneix.

De gwn sat bingz souh haeux-yangz mehmbwk dawz daeuj hawj de le, dawz rap gogoen duet roengzdaeuj, ndenq hawj Vangz lauxsae, naeuz: “Lauxsae, diuz hanz neix ce hawj mwngz ngoenzlaeng yungh ba, dou yungh mbouj daengz lo.”

Vangz lauxsae cam: “Gogoen vihmaz mbouj guh rap dog, dauqfanj faen baenz song gwed ha.”

Mehmbwk naeuz: “Guh rap ndeu deng boux ndeu rap, geijlai naek cungj dwg boux ndeu dawz ndwi. Faen guh song gwed, moix boux gwed gwed ndeu, yienghneix rap naek couh baenz rap mbaeu lo. Caiq gangj, gvan gou ngoenzneix bae raemj gogoen hix baeg lo, gou hix siengj ok di rengz, hawj de mbouj baenzneix baeg. Dou maranz lo.”

Mehmbwk gangj sat, song boux gag riu j, caeuq bouxsai boux gwed gwed gogoen he, boux gonq boux laeng doxgen coh gizgyae byaij bae.

Seizneix, ronghndwen loq ok byai bya daeuj, ciuq ndaej gwnznamh ronghsagsag.

Duzlingz Canghyw Yawjbingh

猴子医生出诊

□ Mungz Ningz / 蒙宁

Gij lingz denva yiengi lo. Duzlingz canghyw dawz vahdoengz hwnj-daeuj cam naeuz: “Vei, gou dwg duzlingz canghyw! Miz maz saeh?”

Mou daxmeh simgip dwk naeuz: “Gou dwg mou daxmeh laj Byacingh-yinz, lwg gou bingh la, cingj mwngz sikhaek daeuj yawj ndei lwi?”

Duzlingz canghyw naeuz: “Ndei, gou doq daeuj!” Duzlingz aemq aen sieng’ yw, gipgip muengzmuengz ok dou lo.

Byaij ndaej yaep ndeu, duzlingz daeuj daengz bak loh sam nga henz mbanj, mbouj rox loh lo. De doeng yawj sae yawj, sawqmwh yawjraen song duz gaeqloegva cingq guhcaemz. Duzlingz fatyienh: Duzgaeq baihnaj noh aekdin, youh na youh geng; lingh duzgaeq noh gwnz aekdin cix youh byom youh unq. W, duzgaeq baihnaj nienzgeij geq. Cam loh yaek cam nienzgeij geq, nienzgeij geq rox saeh lai. Yienghneix, de couh doiq duzgaeq nienzgeij geq naeuz: “Gaeq mehsimj, gou cam mwngz, bae Byacinghyinz byaij diuz loh lawz?”

Gaeq hanq naeuz: “Go go go, itcig coh baihnaj byaij couh deng lo.”

Duzlingz docih le, ciuq dwk gij fuengyiengq gaeq mehsimj naeuz coh naj byaij bae.

Ngamq haeuj mbanj, bak loh miz song duz vaiz cingq doxceng, loh deng laengz lo. Duzlingz hwnjbae cam naeuz: “Vaiz daeggo, cingj nyiengh baez ndeu, gou yaek bae ranz mou daxmeh hawj lwg de yawjbingh ne!”

Ndawde duz vaiz ndeu sing hung hemq dwk: “Mbouj nyiengh, mbouj nyiengh! Danghnaeuz mwngz gangj gawq vah goengbingz, dou song boux byawz dwg daeggo, gangj deng le, gou mboujdan nyiengh loh, lij soengq mwngz bae!”

Duzlingz gienq naeuz: “O, couh vih neix doxceng na! Gaej ceng lo, sou hai bak hawj gou yawj baez ndeu!” Song duz vaiz aj bak. Duzlingz sijsaeq baez yawj, doiq duz vaiz depgaenh ndang de naeuz: “Mwngz cij ndaej 8 bi, dwg daegnuengx; de ndaej 10 bi lo, dwg daeggo!”

Vaiz daegnuengx mbouj fug, hemq hwnjdaeuj: “Mwngz baenzlawz rox?”

Duzlingz gej naeuz: “Song diuz heuj mwngz lij caengz maj caez. Mwngz yawj, gij heuj vaiz daeggo mboujdan maj caez lo, caemhcai q heujnaj lij miz diemj raiz baenz gien baenz gien ne!”

Vaiz daegnuengx mbouj miz vah



Doenghnaz ndaw rungh heuswdswd.

Yizmingz ingi

gangj lo, cijndei daiq duzlingz haeuj mbanj.

Mou daxmeh raen duzlingz canghyw daeuj lo, gig angq. Hoeng de siengj sawqsawq gij bonjsaeh duzlingz canghyw, de mbouj gangj song daeglwg lwg lawz miz bingh, hawj duzlingz canghyw swheij bae caz bingh.

Duzlingz canghyw sijsaeq caz-yawj song duz moulwg maj ndaej hung iq doxdongz, yawj bae yawj dauq, mbouj yaep he couh ra ok duz moulwg miz bingh haenx.

Mou daxmeh gig geizheih dwk cam: “Duzlingz canghyw, mwngz baenz-lawz rox de miz bingh ne?” Duzlingz naeuz: “Mwngz yawj, daeglwg neix, bwnda miz haj faen raez, duz haenx bwnda cij miz sam faen raez. Bwnda raez, itdingh dwg sien seng, hoeng aen ndang de cix caeuq duz seng doeklaeng doxdongz, neix mbouj dwg gangj, duz seng gonq miz bingh, maj mbouj hung lwi?”

Mou daxmeh lienzlien z ngaek-gyaеuj, haenh naeuz: “Deng! Deng! Mwngz caen miz bonjsaeh.”